

Crac. Stud. Univ. Jagell.
Promotiones Ord. Philos.

1642 2.



1174

I


Mag. Si. D.

P

kal korn

6.

Racki Joann. Ver. florentis Poloniar
in Jagelloniens. Almac Univ. Cracov.
Lycei celebratione



V E R
F L O R E N T I S P O -
L O N I Æ,

In Iagelloniano Almæ Vniuer-
sitatis Crac: Lycæo

C E L E B R A T V M

D V M

Venerabiles Duode-quadraginta Viri, Secun-
dæ Laureæ in Artibus & Philosophia

C A N D I D A T I

A Clarissimo et Adm: Rñdo Domino,

D. STANISLAO PVDŁOWSKI,

L. V. D. & Professore, Protonotario Aposto. Præposito

S. NICOLAI, Acad: Cracov:

PROCANCELLARIO longè dignissimo

publice ritu solenni

In Frequentissimo celeberrimorum Hospitum confessu

Artium & Philosophiæ

L I C E N T I A T I

renuntiarentur

IOANNE RACKI, eiusdē Laureæ Candidato honoris & obser-
uantia ergo. D. D. D. D.

Anno Instauratæ Salutis 1642.

CRAC. Ex Officinâ Valeriani Piątkowski.



278

IN STEMMATA
Almæ Vniuersitatis Cracouiën.

BIBLIOTHECA
VNIV. IAGELL
CRACOVIENSIS



Florete Sceptra. Vêr nîcet vobis nouum!
Pulchras virentis Laurez ornetis comas?
Diuus IAGELL O posthuma stirpi dedit,
Florere Sceptris in Academię iugis.
Credin' renasci posse, sceptrâ, viuîdo
Vigore rursus? Regiz iubent manus:
Et emînari licet: Eis nam Laurez
iunguntur, hę flores virentes dabunt.
Florere: Philosophia quę multum potest,
Concedit, ecce Vêre nunc LICENTIAM!

11742

FLORENTISSIMÆ & INCLYTÆ VNIVERSITATIS
STVDII CRACOVIAN.

Perillustri & Adm. Rñdo Domino,

D. ADAMO OPATOVIO, S. T. D.
& Professori, Canonico Cracouien.


GENERALI RECTORI:

NEC NON CLARISSIMIS & EXCELL: VJRS

S. Theologiæ, Iurisprudentiæ,
Medicinæ ac Philosophiæ
Doctoribus & Professoribus.

DOMINIS & PATRONIS COLENDIS.

JOANNES RACKI, *Secundæ Laureæ Candida-*
tus. F. P.

 *N*ter amænissimos florentissimi huius Re-
gni applausus, & tripudiantis Academiæ festivas acclama-
tiones, Ver ego Vobis Viri Academici, Domini & Patroni, vo-
nice semper obseruandi præsentandum offerendumq; esse exis-
timaui. Multis Tempus hoc, mihi sese insinuauit ad latitiã
iudicii, & pro iure suo, infantilem licet à me, attamen auspicatam extorsit
dictionem. Ut enim præteream, temporis Verno, omnes mundi indigenas,
vel eo necessitudinis vinculo obligatissimos esse, quod Ver, auspicatò, omnium
temporum primitias, & mundi, cuius sumus omnes inquilini, nascentis in-
cunabula fouerit, erit sanè quod bono gratuler omnine Vniuersitatem hanc
florentissimam, cum vniuersi huius aspectabilis naturâ gentilitia effloruisse
& hucusq; efflorescere sympathiâ, Vereq; suo, Ver mundi imitari; certissimo
constantia partium suarum, in toto Vniuerso adiumento & argumento. Du-

bitet sanè, si quis potest, (contra Stagyritam propugnantem) de mundi perfectione, hæc Vniuersitas florentissima, tantò perfectior est, quanto arctiori, cum principio suo, Vniuersitate s: omnium rerum, cognatione coalescit, & subordinatione augetur; nec fieri poterit, vt mundus hic semper in melius efflorescat, Academicâ Vniuersitate, nun paribus gradibus assurgente; cum quo iam toties, concordat & fatali sorte coheret. vno enim Voluntatis ac arbitrij Diuini, imperio gubernantur, promouentur. Et si verò mundus hic non nihil aliquando de sua munditie remittat; quod ipsa persæpe nimia, natura vteri fecunditas, monstrosas parturiat, ad variandum decorem vniuersi plantagines, temporumq; variam & multiplicem commutationem producat, nonnunquam multitudinem confundat ad fastidium. Hæc Vniuersitas florentissima, semel conceptam elegantiam, per tot centena annorum, infuscavit nunquam, vt eius ope & subsidio Ver perpetuum, plusquam olim in Elysiu, nos omnes acturos fabulosa iactabat antiquitas, agere nunc Polonia videatur. Erit sane ô Alma Mater, vnde Tibi, vinculo gratitudinis, Poloniam obstrinxeris sempiterno; Tuus Laureis sapius condecorata, qua longè lateque patet, vernans abunde reuiuiscit, vt superstitione olim secula aurea, laureu præsentibus præferre possit. Vobis sanè Viri Academici, tanto conuenientius tempus id erat, quanto arctiori consinio, tanquam Zephyri, Patres gratissimi verù huius, cum vere temporum præsentium, coheretis, verumq; Ver, cum germine pullulanti, tam Almæ Matri Academiae, quam Orbi Poloniarum aperitû auspiciatum. Et quamuis longè à veritate discrepat quod fabulatur ille se vidisse dum

— — — — — sedebat


In folio Phæbus claris lucente Smaragdis;
A dextra læuaq; Dies, & Mensis, & Annus,
Sæcula q; & positæ spatijs æqualibus Horæ:
VERq; nouum stabat, cinctum florēte Coronâ;
nunc veriore tandem Metamorphosin incipit agnoscere credulus Orbis;
dum Vernouum, cinctum florente corona Candidatorum fauentibus oculis
circumspicit. Nimirum; quibus ambigat Veri, flores suos, huic deesse, dū quos
Candor Academiae germinat, plusquam calthas albicantes, aut Narcissos,
Hyacinthosque, iucundiori longè omine, quam vetus Pœtarum finxerit in-

genium aduertit Candidatos. Non Martius hic Campus est, in quo Cre-
tata ambitio, iactabundum effutiat, scanica titillatione, & ostendet
Candorem, Togatam hic Palladem admirari licebit, candida teniâ, ad immor-
talitatem elaboratâ, præcinctam. Nouit Polonia, & experitur toties, hinc
pro candore Diui Iagellonis, erga bonas literas, non ingrato certamine, sibi
exuberare candorem. dum è Platonici huius umbrosis licet Viridariis, candi-
di soles, veterisq; venæ fontibus, nati reuocantur anni, qui Academica in-
stitutione, hoc vel maximè intendant & procurent, ut moribus antiquis,
stantem rem Poloniam Virisque confirmant, augeant, adornent. Et quis
non de Vere Academia vernantem Poloniam admiretur? quæ passim ex-
ternis nationibus effloruisse dicitur ad miraculum. Iactent olim veteres
Fastos, solennesq; dies, Ver sacrum, aut Calendas & Ceteris anni partes lau-
dent & prædicent pro arbitrio, teste Cælo vel vnicum Ver contra gentes
propugnabit Polonia, vnius Veri dotibus tantum adornata, ut omni tempore
re virescere possit laureatis germinibus. Tu interim ô Alma Mater bene-
dices coronæ anni, benignitatis Tuæ, ex huius floribus texendæ: ut minimi flo-
res hi, inscripti nomina Regum & in Viridario Iagelloniano plantati, sine
adustione olim alicuius Syrii maturescant, & fascientur. Nos Tibi non
solum odorem nunc consecramus, sed & perennitatem vnanimis compre-
camur. Viue & flore, Datum è Musæo meo. 9 Calend. April.



C A T H A L O G V S
VV. DD. LICENTJANDORVM.

Iacobus Naymanowic.	Stanislaus Mogilnicki.
Paulus Goski.	Ioannes Mulinowic.
Bartholom: Gembecki.	Sebastianus Konopnica.
Albertus Łowicki,	Iacobus Komorowicz.
Florianus Lepiecki.	Sebastianus Stryewic.
Ioannes Garnuchowski	Martinus Kasprowic.
Albertus Wessołowski.	Christoph: Ziōkowicz.
Iacobus Rychwalski.	Albertus Szumowicz.
Stanislaus Iarzyna.	Thomas Podchelski.
Albertus Orłowski.	Hiacynthus Łopacki.
Andreas Tłuszczewski.	Victorinus Gorlicki.
Thomas Hunkiewicz.	Iacobus Łódzik.
Paulus Iądrowicz.	Dominicus Cromer.
Albertus Węgrzynowic	Ioannes Kołdrasz.
Gregor: Gostomiowski	Alexius Radlicz.
Valentinus Stalicki.	Samuel Kowalewski.
Ioannes Iarczynski.	Hieronymus Badowski.
Bartholō: Wiesiewicz.	
Ioannes Mirowski.	
Iacobus Kunowski.	



APOSTROPHE PARÆNETICA

Inclytæ Matris Academiæ.

Ad vtriufq; Laureæ Candidatos.

Qualis obrizo micat Hebrus auro:
Vel reproductis, Helicon, Viretis:

Hypocreneos, riguus, coruscans:

Inter odores;

Sic ego: vernos velut Hybla flores

Sole nascentes recreans aprico

Vos reproduci gremio volebam:

Mater auito.

O virescentis, soboles Lycei,

Lechię quondam, pretium labantis:

Disce maternis, generosa, statim.

Viuere votis

Rite florentes, modereris, annos

Otium mollis, fugiens, teporis,

Subiuga toruo teneris ab annis

Membra labori

Vos refraganti, metuenda, contra

Stabitis, pugnae acies, stupori

Vos renascentis iuga Carroduni

Arte coetis.

Ite felices, nec ego morabor,

Et duellantes, iterate pugnæ

Occerebralem studij tenete

Marte Mineruam!

*Ver resurgentes reuocat, tepenti
Ore Narcissos, niueasquē calthas,
Verna, vos mundi reuocate, Vestrum in
Sæcula florem.*

*Quidquid antiquo Plato promit ausu
Quid modernorum sapit ars Virorum?
Quid Stagyrites, rudibus locuti
Dicite terris.*

*Qua polis adstat rubeus Bootes
Dum Serenato Cynosura Cælo.
Exit: haud illo videas priorem
Climate Matrem.*

*Semper augustâ pretiosa prole
Florui: Matrem decorante fetu.
Non rugas, anni, posuere nostrâ
Fronte trecenti.*

*O nimis felix ego Mater olim!
Mequē felicem soboles parentem
Clarat: ò cunctis meritò beata
Iure videbar!*

*Quid æ feraci num gremio fatiscam?
Ite florentes super astra: rite
Laureis Vestram, redimire, Matrem
Ite phalanges,*

*Discat Eoë, pius hospes ore
Lechiam, lauru reducem virere.
Vere: perdiscat memoranda Phæbi
Regna Poloni.*

BREVE OPERIS ARGUMENTUM

Sarmatia, postquā incōparabilē, arbitrio Deorū, possedit; locorū, pulchritudinē, multo tēpore deserta iacens, & nequaquā incolas, se pulchritudine suā allicere posse existimans, vbi didicit, esse in fatiis, vt olim clarescat gloriosē, impatiens moræ, Concilium adire Deorum instituit: ibi Graduum & Palladem, impetrat suarum terrarum Præsides, eā ratione rata, nulli se Prouinciæ non parem futuram. Tam Mars quam Pallas, hæreditarij Sarmatiæ præsides, eam Vernantem suis adornant decoribus, Tu optime Lector legens faue, & fauens lege.

V A T E S VERIS PRÆNUNCIVS.

Gaudia, successusq; nouis successibus, auctos
Continuant superi, Regalis curia feruet
In laudes effusa tuas Academia: plausum
Prodromus ad votum terræ resonauit Olympus:
Hem terrę cæliq; decus! quę barbāra quondam
(Infandum) tumidis appellabatur Athenis
Lechia: nunc melior: fatiis plaudentibus, almū
Condecorata caput, regali splendida passu
Regnat Hyperboreos inter stabilita Triones.
Respice nunc Danaum soboles pulcherrima quondā
Græcia: iam melior non despectare propinquos:
Agnoscas, quid fata volunt! Prodibis in altum
Sed lapsu grauiore rues. heu, sola tumescis?

Æmula sed laudum, despecta Polonia surgit.
At tu quę tanto splendes decorata monili
Lechia, quod rutilis te pulchrā æquauerit astris
Victricesq; aquilas, toti patefecerit orbi,
Prima lagellonicæ, defer præconia genti.
Hic prior, hic tantam signauit lumine pompam!
Marte togâq; potēs, celebrans hæc climata: mūdi
Angulus exilio, quę sustinet axe rigenti.
Hic Prytanæum, primus auitis struxit in oris
Ne quā latens mundi, studijs, deserta iaceret
Pars potior: Regi non sufficebat agrestes
Instruxisse sacris, Litauiq; affundere lustris
Dona reuelatę fidei. Prō Lechia! quantās
Rex tuus ille tibi, tulit, ad diademata dotes.
Sedulus ipse tui, Rex, Myſta, Monarcha, Patronus!
Vade lagellonidum meritis fer ad æthera famam:
Quęq; lagellonici, natarum sanguinis, vna
Progenies, reuirescit ouans Academia: regno
Regalem sobolem, sceptris tuearis auitis:
Illa perennando faustâ te prole perennem
Efficiet victuram æternū! At cur mihi lentis
Ludis adhuc testudo metris? Phæbūq; retorquēs
Luxuriante leues, percellis murmure chordas?
Desuetus fortasse choros veteranus adibo,
Nec Parnasseos, potero transcurrere, colles?

Tu mihi tu Pymplæa cohors: Cur Lechia multum
Inclyta Sarmaticas, famâ decorauerit oras?
Vnde dati populis mores, quid corpus in vnum,
Pulchrius vnite gentes, mirandaq; mundo
Prodierit socio generosa Polonia nexu:
Elue, Mæoniaſq; animo submittit Vires
Desucto: haud tantum ipse meis perferre lacertis
Sufficiam tremuleq; manus testudine iactâ
Effugiunt, sed Diua cohors, si vestra iuuabunt
Numina, meq; feret, super Enthea Phocydos atra
Incipiam, carmenq; mea meditabor in vmbra.

Exitium iam forte timens ferale, relicta
Sarmatia, extremo longe diffusa sub orbe.
Prima quod ad pænas in terris, ora luendas
Exiliumq; reis non eluctabile cunctis
Sufficiat, tantumq; malis sit dedita pænis:
Exanimis penitus, iacuit mærore sepulta. (theus,
Nō procul hinc Scythica mæret sub rupe Prome-
Nec procul inde, fuit qui perditus exul ad Istrum
Ingenio Naso: hic superi quemcunq; volebant
Perdere, vel quem perpetuo squalere labore
Decreuere: fuit locus hic qui vindicet omnes
Culpas, quæis superi pænam, vel terra ferebat.
Non tantum Gyaros, si quem contingat abire,
Prodit in eixlium; tristes vbiluridus hydros,

Aspiceret, viuens totos inglorius annos?

Dignior ad p̄anas Parc̄is, decreta, luendas

Sarmatia & toties diris deuota iacebat,

M̄sta tremens, odiosa, H̄c tandem corde volutat.

Vsq; adeone meis iaceo Prouincia terris!

Despicior nulloq; leuo solamine curas?

O superi! ò rigide ducentes Stamina Parc̄e:

Et quid ego tantum potui committere, culpa

Nulla mihi est, pro quo meritas patiamur inulti

Iras, cur, alij nobis meliora tenebunt?

Vlterius lachrymosa dolet, sed visa repente

Erubuit, tacit̄aq; suos formidine fletus

Plangere, quam totum mauult vulgare per orbem.

Esse quoq; in fatis memin̄it, didicitq; quod òne,

Iuppiter est, quodcunq; videt, Diuumq; voluntas.

Audieratq; olim fati decreta, futura

Pergama Sarmatię, nullis cessura Myc̄ænis,

Pulchra fatis, camporum vbertatemq; patent̄um.

Non illi quondam iactet Campania molles

Delicias, non Trinacrio superanda Peloro.

Nominis ipsa sui, sumens ex om̄ine n̄omen,

Sauromat̄um & Geticos pellet de pectore mores.

Mutabit Natura fidem, & miserebitur vltro

Tum à campis veniet, deducta Polonia, nomen.

Hanc iam plena spei famam tenditq; fouetq;

Et subit in mentem quondam laudanda propago
Lætitiâq; parat dubiæ, nec temporis ardet
Expectare moras, iam Sarmaticiq; stuporis
Se oblitam tentat, gaudetq; Polonia dici.
Dumq; pererrato lustrauit singula visu
Aruaq; deliciasq; loci, camposq; patentes
Conspicit, & viridi resonantes gramine lymphas
Gaudet ouans mæretq; simul. dulcedine tactam
Amplius ire iuuat, sua uesq; videre Meandros
Mista dolore tremit plauditq; (Quid æmula nō fert
Inuidia! en pulchris præponere turpia suadet!)
Ipsa suas laudat, damnatq; interrita syluas.
Post ubi multa animo circumspicit, omne videnti
Certior hæc, meliorq; animo sententia sedit.

Vult ire ad superos cæliq; inuisere tecta,
Commoda mille soli, grauibus decorata manipulis;
Prataq; camporumq; situm; pulchramq; patentis
Terre planitiem, glebarum commoda mille,
Fertilitatis opes; cuncta hæc aperire decorum
Concilio, ire parat, Diuumq; orare Tribunal,
Prouideat meritis, Rex Iuppiter omnibus idem.
Iamq; propinquabat summo decliuus Olympo
Iuppiter ex altâ qui singula conspicit arce
Sarmatiam properare videt, si causa latebat
Dulce per augurium aduentus molimina nouit.

Ne verò despecta poli sint numina, curas
Iuppiter ipse Deos passim partitur in omnes.
Hos ille in dubijs, causę si quando requirant,
Consult, & quamvis Diuūm pater atq; hominū Rex
Audiat Altitonans, prudentia vota reposcit.
Concilij, proprijs, non ausus fidere dictis.

Tum quoq; concilium meditatur cogere, iam iā
Tecta patent, strident versi de cardine postes
Aligerūmq; chori sedilia regia portant.
Iam præstò constrata iacent, iam numina poscit
Triclinium : Diuos prænuncia conuocat Iris
Iris Concilij consueta vocare Dynastas.
Ancipites dubijq; ruunt. quæ causa quietos
Excierit, quærunt mussantes, causa latebat.
Vt patuit stellata Domus, considerare iussi
Ordine quisq; suo, non confundendus honore
Vota daturus erat. Tandem Cyllenius ales
Qui Iouis arbitrio secretas panderet artes
Concilioq; referret adest. commune profundis
Et superis Numen; proponit Consiliorum
Materiem, verbisq; prior præiuit auitis.
Sarmatiam memorat venisse, huiusq; videri
Causa rogat, præsentem huius comitia mentem,
Consilij trutinent edisserit. Ecce propinqua
Præ foribus iā stabat iners, num supplice scripto,

Num dicto expediat Diuorum orare Tribunal:
(Nescia mens hominum rebus succurrere lapsis!)
Elegit tandem præsentì vrgerè rogatu.

Iamq; accessit, huic trepidè si lumina nutant
Formosè rubuère genè: veneranda colorem
Mutauit facies, at certe mascula virtus,
Fæmineum negat esse genus, sic Thracia quondam
Harpalice graditur, tumidas sternendo cateruas:
Thermodoontiacà vel sic pharetrata securi
Penthesilea furens, vel Opis, volscente, Camilla
Filia, gente, fluens: credas ex æthere lapsam.
Esse Deam: tantum generoso prædita cinctu
Sarmatia emicuit, Diuumq; ingressa Tribunal
Venerat, & statim medio consistere iussa
(Omen erat voti, medium tenuisse Deorum.)
Aggreditur talesq; exponit mæsta querelas:

Si mea Mansuris meruerunt climata nasci
Iuppiter auspicijs, si nullo crimine pœnam
Promeruisse vides: Superi si legibus vllis
Sunt. si vestra nefas nocuisse potentia iurat
Immeritis, tanto cur me squalere dolore,
Permittis? nullone meas solabere curas
Pignore, nullum das finem requiemq; labori?
Cerne meas dotes (longè latèq; patentis
Sarmatię pulchrām speciem referebat imago)

Si nihil, ipse, mei terras cum ex aggere primo
Fundasti digitis, indignum Numine tanto
Finxisti? cur nulla meis sunt numina campis?
Illa etiam curru Phrygios, subiuncta Leones
Mater Opis, Cybele, Superum genitrixq; deorum
Despicit, & nullos temnens in nostra refundit
Arua Deos. Tantumne Samo Saturnia Iuno?
Cecropijs tantum Pallas spatiabitur agris?
Pierios tantum colles habitabit Apollo?
Quid memorem Diuos: iratis credo reuixi
Terra Dijs: patior mea me fortuna laceffit.
Proh. hominum superumq; fidem! per prata vagantur
Numina nulla! sino: Fors dedignantur in istis
Sacra malis superi vestigia figere plantis:
At cur non hominum, dignaris mittere stirpem
In mea culta pater? Melius deserta iacebo
Vomeris impatiens? saltem dominantur aduncæ
Dipsades, & squalens despumet gleba Cerastras.
Quo mea temperies? quid mitior efficit æther
Si deserta vocant, nullos mea prata colonos?

Talia iactabat: spes addita suscitât iras
Iret adhuc in verba dolor: quin multa locutam
Plura loqui voluisse vident. sed Pallas amicam
Pallas cui placuit iam oris habitare sub istis
Admonuit, ne cauta parum (Quid sæmina possit

Non

Non ignara) loquax furibundo læderet ore.

Finierat: blando cælestia Numina certant
Murmure, prospiciunt magis, ac iuuat vsq; morari
Intuitu, placet aspectus. Pars scire reculant.
Planiciem decora alma loci: pars cætera pulchras
Dissimulant telluris opes: piget vsq; Graduum
Odryfios coluisse lares, Geticoq; sub Hæmo
Degere, Cecropias cuperet Tritonia sedes
Linquere, quin toto cælestia Numina cælo.
Ire & Sarmaticis certant habitare sub oris.
Sed pater ipse Deum, & summi regnator Olympi
Temperat eximios in compita visa fauores,
Tum sic ad superum comitia lecta profatur.

Adueniet propensa cohors studiosa voluntas
Quando Sarmatiam meritis animisq; potentem
In melius viguisse iuuet, sic quæ modo pulchra est
Pulchrior interea iuuenescet & inclyta cælos
Illecebris flectet proprijs, blandoq; fouebit
Attonitos sermone deos, tum quisquis auitas,
Depromet promissor opes, & dotibus almam
Sarmatiam decorabit & isthec regna probabit.
Ipse polus (quoniam olim terra Polonia mundo
Dicetur, cæliq; omen nomenq; capeffet.)
Sentiet indefessa super conuexa iuuamen
Cum per Hyperboreos surgens animosa Triones

Murus erit; si vicinos populabitur atrox
Spartacus, indigetes, Murale Polonia fulcrum;
Supponet Cynosurę: neu terrore Bootes
Subsidat, trepidusq; suo temone polorum
Signa sub Oceanum, nunquam cedentia vertat,
Certior, ipsa polos Arctoa Polonia firmet.
Tum certare animis celebresq; inuisere terras,
Sydereas liquisse plagas, cælumq; iuuabit.
Huic ego, nec fines Regni nec tempora pono
Interca quoniam nostris in postibus adstas.
Nec meus hic gratis superi confessus abibit
Concilij: Fateor vacuum quod plurima fando
Enumerare queas, nec te meruisse putamus.
Nec nobis leges, nec iura æquissima desunt.
Astra suis melius, quam, legibus, orbis abundat,
Sors sed ea est mundi; sic fati stamina poscunt.
Occidit, exurgit, ruit, erigiturq; vicissim:
At nunc (fabor enim) quoniã te hæc cura remordet.
Sic fatis placitum, decretum hoc Atropos vrget
Sauromatũ Geticumq; ferox mutabere nomen.
Non antiqua tuis non assueta otia terris
Deses ages, illic quo callem semita monstrat.
Difficilem, Virtutis opus, vestigia figes;
Inuia virtuti nec erit via, nec prius vnquam,
Culmina cælorum possis iterate secundo.

Nec licet admissa es, sellas retinere Curules,
Ni queras virtute locum. Iam teq; tuamq;
Progeniem, fortis, nodo virtutis obarma.
Hanc sua posteritas colat huic assuescito, dixit.
Qui vis promissas retinere Polone Curules.
Erige spes animosa tuas, & nomine Mater
Cum veteri, vetus, è membris expunge veternum
Iam Lechos, Lescosq; tibi Piaستosq; fideles
Et Boleslaos Vladislaosq; videbis,
Felix Posteritas ? & fausta, propagine Mater
Vandale quos procures ? que lumina ! quantã videbis
Pignora Lechiacis, olim fulgentia campis ?
Singula quid memorẽ ? Cernes monumenta tuorũ.
Pulchra virũ : post sparsa suis, diuisaq; membris
Diffides tecum; discordiaq; arma sequẽs
Tum post vnanimi firmabis corpore regnum.
Istrumq; Tanaimq; Borysthennemq; ligabis
Oceano & rutilis notissima facta sub oris.
Marte togãq; tuus quondam celebrabitur axis.
Ipse tuis vltro Fautor fẽlicibus ausis
Annuo : sit Fatum : Voces adamante notauit
Clotho nectareis subiungens stamina dictis.
Iamq; relinquentes Iouis alta Palatia Diui
Surgere, Concilij rectisq; exire parabant.
Protinus exurgens mediã summotã curuli,

Purpureas præcincta comas, atq; ægide fortis;
Gorgoneâ sic Pallas ait. Quid Magne morâris ?
Iuppiter æternas stabilire penatibus oras,
Promissamq; fidem iussis explere paternis ?
Exequar ipsa tuam nata exactissima mentem:
Non desis Virtute tuâ: sic Pallas abiit.
Gradiuuq; Pater, cælestia vota sequuntur,
Iuppiter his plenas vires concessit agendi.
Conceptumq; plagis istis afflauit amorem.

Interea Nox nigra comas, tristescq; tenebras;
Cymmerijs secum veniens deuexit ab oris.
Illius est partus Fatum Parceq; nigrantes,
Edidit hæc nulli Dea Nox coniuncta marito.
Corpora, tum lasso, defessa labore, quietem
Captabant; iam Terra silet, silet arduus æther:
Omnia blandifluo, resonant Elementa sopore,
Sic bene compositis; Quis numina fallere posset ?
Suauiter incipiunt rebus mollescere fata.
Iam Lechiam vocitate libet camposq; Polonos:
Stamina deproperant parce: Fatalis vbiq;
Serpit Honor Lechiæ, iam Fortunata future
Gloria gentis ouat. Terræ præcurrit Idæa:
Spes vultu magnas, geminans. Hæc nulla Platoni
Maior erat vasto quas enumerabat Olympo.
Multa alia accedunt: certatim ex arce parantur.

Ite perennantes Lechiam per sæcula Fasti.
Prata virescenti ridentia flore videres,
Exultare nouis Rumorum plausibus vltro.
Pergama subsiliuntq; domus: non pulchrius vnquã.
Ad sonitum Cytharę, solę sine viribus vllis
Architecto hilares steterunt Amphione Thebę;
Debita staminibus Lechię, vrgent tempora parçę
 Quis tibi nunc Gradiue Pater præconia gentis
Fingit amor? quales tum præsagire licebat!
Fulmina bellorum, metuendos Martē strategos?
Iam redit illę vigor, genti quem Iupiter olim
Afflauit. Vario Lechiam natura tenore
(Sic parçę iussere) ornat: iuuat vsq; supremi
Auspicijs cæpisse Iouis, superumq; rogatu.
Quę nunc Sarmatia est? quę olim? tum quãta fuisti?
Iam famam turbati in se conuerterat orbis:
Vicinas gentes & proxima regna capeffens,
Sæpe triumphalesq; ferens ex orbe coronas
Deuicto: Fatis respondent facta Deorum.
Quis memoret toties deiectos artibus, hostes?
Atq; rebellantes iterum sub signa redactos?
Iam sua pacatis, crescebant rura colonis.
Pax post bella vigeat iners, studioq; salubri.
Pallas Martisonam gentem decorare parabat.
Non secus ac quondam post bella illata Sabinis,

Romulus excessit, venitq; in compita Numa
Pacifera arte studens florentem reddere Romam,
Sic Lechię tranquilla quies, & pacis amica
Simplicitas properat plagis florebat in istis.
Non tamen, heu diuturna quies! Erupit in orbem,
Perfidia, & tantam terris inuidit auitis
Tyssiphone famam mouitq; cupidine rixę
Teutonicos hostes, in mutua bella ruentes.
Quo properant? quo stulta superbia traxit euntes!
Quo Ciues stricto, iugulis Ciuilibus, ense
(Infandum) ruitis, quo perfida trudit Enyo?

His pugnare animis Lechici telisq; Monarchę
Vincere, continuo bellis vinciq; solebant.
Nam dubitabat adhuc fallax Rhamnusia vultu
Libertate regat, num barbara flectat habenis
Seruitioq; premat populos: & post, vbi vidit.
Ingenium, ac animos generosos indole: dignos
Orbis ad imperium. Constans decreuit apud se
Ferre Virum, Regemq; simul, fortemq; piumq;
Mittere, qui gelidos posset saluare Triones.
Iamq; fauet Fortuna, fauet procliuis Olympus
Quis dubitet mundi hæc non optima compita fingi!
Iam Lechicas Litauasq; eadem Fortuna sub oras
Ignotis sufflata Notis, rapidisq; quadrigis
Migrauit, totoq; virum quæsuit in orbe,

Inuenitq; & post multos gauisa labores
Complacet ipsa sibi, tandem Lætare profatur
Lechica gens tibi iam constans Fortuna parauit
Inuenitq; decus: non amplius ipsa Polonos
Sollicitis curabo modis. En rite Patronum
Adduxi: secura tibi hos concredo Monarchę.
Ipse foue terram, & gentis fer ad æthera famam.

Dixerat. Aspexi, stupeoq; & promptus amore
Exclamo: dixisse aliquid reuerentia suavit
Tu Iagello Vir es? nunc Te Casusné Deusné?
Attulit. ò animis pridem exoptate Polonis!
Accipe Lechiaci Vir gubernacula Regni.
Plura loqui prohibebat Honor reuerentia mentem
Compressit, venerorq; Virum plus ore silenti.

Extemplo, petit ille capitq; & Sceptra Coronasq;
Arripit, inq; manûs vltro properata recursant
Sceptra, Corone, & Magnanimi diademata Regni.
Quam sensere pium! præsagiuerē potentem!
Itur in arma: potenter decertatur vbiq;
Quę prius hostiles animos, vicinia sumpsit,
Vel quę fraudis amans, prædam bellumq; cupiuit,
Nunc iam pacta rogat. pacemq; & fœdera sancit
Vel timet efferrī, vires in prælia mittens,
Vel quoque dissimulat, sub signa rebellia bellum.
Haud secus imbelles agnos & ouilia pulsat;

Vrsus, quando greges, videt à pastore relictos;
Ast vbi terribiles pugnae commotus in armos
It Leo, non malesuada fames, non murmure venter
Incitat, in trepido, præfert residere cubili:
Tum leo pacificus gregibus, maestumq; timorem
Expellens, tutâ iubet hos proludere arenâ.
Talia dum lagello facit, non amplius illi
Insultant quondam tumidi; conuallibus, hostes:
Vtq; velint alij pugnam fortuna subacti
Terret Teutonici, qui nuper in arma cucurrit
Sanguineq; infecit colles, & strage cruenta.
Infamatq; rudes scopulos. & fluctibus æquor.
Non illum iuuere doli, non vasa Borussi
Ordinis ambitio; toto pugnavit Olympo
Adiutore: lagello, suasq; sacrauerat hastas:

Iam tum pax super orbe volat, lætatur apricis
Terra vijs passim resonans. Quisquamne Tuarum
Diue lagello potest præconia mittere laudum?
Fessam continua pugna, bellisq; frementem
Cepisti Lechiam, tutam modo ab hostibus effers?
Erige, protege, sunt etiam, hic, sua præmia laudi:
Ante pererrabunt per gramina præuia Phocæ
Et prius ætherei venient ex orbe Planetæ
Ante per aera discurrent impune Leones
Quam tua de Lechico discedet pectore fama:

Immortale feres nomen prò talibus ausis.
Iam Fauni Dryadesq; fremunt facilesq; Napæ:
Exilit, hesterno venas inflatus laccho
Silenus: passim Melibæus in arua remugit,
Et Mopsus, Corydonq; choros, lætusq; Menalcas
Intonat & resonis respondet vocibus Echo,
Vox modo: Corpus erat: quando Narcisse figuram
Effet adorta tuam, sed tu implacabilis, illam
Fecisti resonis dictis tabescere Nympham.
Exporrecta suis fluitat Prouincia culmis
Cæruleæ & per prata exultant fluminis alge,
Otiâ pacatis tranquilla Polonia campis
Agglomerat: Lauros victrices Marte secundo
Æternaturis affigit postibus; ipse
Iagello soluens Diuorum Vota fauori
Templorum molem delubrorumq; fouebat
Municâ pronâq; manu: scit Cracia, quantis
Scis Vauelle, nitens spolijs. Quis cuncta referret?
Quæ non posteritas, quæ non mirabitur olim
Progenies? Rex ipse suis baptisma Colonis
Confert? Sacrorum Diuus, Rex, Mysta, Patronus!
Interea Pax cuncta regit, Rex ipse labore
Fessus forte leues, captabat lumine somnos.
Pallas cui studijs decoranda Polonia venit,

Ia grauida imperio regionū; hāud immemor olim
imperij Iouis, vt faceret, quęcunque videret
Ad decus & famam gentis (namq; ab Ioue summo
Plenipotens demissa fuit.) meditatur in altum
Commodiorem viā Lechiam exaltare potentem,
Illa animo tandem, melior sententia visa est.
Ire palam ad Regem studijq; exponere causas
Commoda mille referre scholę (cognosce Minervę
Consilium, è cerebro Iouis ecce fatebere Natam!)

Iamq; propinquabat: Rex ipse sopore grauatus.
reclinisq; thoro recubat. Vigilasne Deūm gens?
Pallas ait: vigila, rebus ne crede secundis.
ipse pater Diuūm, me clara emisit ab æthra
Cui domus hæc, cui Sarmatia olim didita curę
Vt Musis Lechicas artes atq; ægide obarmem:
Forsitan à studijs, melior, quam Marte secundo
Spes erit, eia scholis generoso consule Regno.
Ingenuasq; artes, famamq; hoc nomine firma.

Dixerat & subito tenues migravit in auras
Regaliq; animo spes inspirauit opimas
Ille sed ignarus, rerum: quemquamné Deorum
Esse putet? variam ludantné insomnia mentem.
Hæret in ancipiti biuio: sed conscia facti
Mens monet; ergo refert. Iam iā tua Numina adoro
Sancte pater, vestrumq; tenax venerabor Olympum.

Leucothoe tenero præludens forte Diei
Ex Hyperionio, properat iam flumine Phæbus;
Et Pyròenta iugat Phaetonteosq; iugales.
Mane recollectam lagello per atria mentem
Discutit, & celerem nunc huc, nunc diuidit illuc;
Hæc etiam secum: Malimné resurgere sædam
Barbariem: cur non potius bene docta videbo
Agmina, vel studium proprijs plantabo sub oris?
Græcia quid nostris maius retinebit Athenis
Quâ se laude potens celebret? quo munere iactet?
Quam vinci renuet? vincetur & æmula quondam!
In studijs studiosa suis quæ Lechia surget!
Plura dies referet: Nunc sancta Oracula sunt,
Quæ superi iussère, rata est sententia: Fiant.

Protinus Orator qua Sequana gurgite tranat
parrisios discedit (ibi si quando relicte
Graugenis Muse cessère noualibus illuc
Consedère: solent exinde migrare per orbem)
Hos petit Orator, sibi fit commissa potestas
Are professores patrio, traducere Regno
Quidquid ubiq; boni est. Craciã aduectare iubetur.
Post ubi discessit, Doctorum fama vagatur
Præcurritq; viam studij dulcedine: iam iam
Aduentant, Craciamq; petunt: Regalis ubiq;
Hospitibus statuit dignissima præmia splendor.

Lechia quam gelidos his cōdecorare Triones

Et potes ac audes! his digna per omnia fatis!

Nunc mihi nunc Helicone Dee, nunc viribus ipse

Deficio: narrate sub oris qualiter istis

Transplantata fuit florens Academia, quales

Progeniuit fructus, nunc Phæbe accede volenti.

Maius opus moueo: faueas: non Icarus esse

Dicar Hyperboreo notissima fabula Pōnto:

Accelera o Vatum Pater: heu exterrita nescit

Subticeat dicatné aliquid mens! admonet vltro

Tun' insane scies immensum luce Phaneta

Mirari nedum prælustria scribere facta!

Conticuisse iuuat Magnis indigna ferentem.

Sic venêre Viri Cracijs Academia lustris

Exstruitur, lagellonico pulcherrima sumptu:

Pallas ouât, Gradivus ouat, cælestia plaudunt

Quas ilis, cernunt, Academia proferet artes!

Terra, quod in primis, consuevit, talibus amens

Obstupuit, mouitq; suas formidine cautes.

Terribiles Formæ, iam tum, de finibus imis

Exilium vel sponte petunt, iam prima refugit

Barbaries, cæco Ignorantia lumine: passim

Turba rudis volucrum passim aufugit Harpyiarum.

Aufugit, improbitasq; dolusq;, & nescia Recti

Perfidies, claudusq; pedum insanusq; Cerebri

Liuor, & error edax puerorum terga studentium
Te quoq; commemorant fugitasse per atria nudam
Stultitia ! occultis tantumq; latere cauernis.
Singula quid memorem ! si quondā Crimina in orbē
Irrepserē locumq; sibi sine lege petebant.
Cum morbos Pandora & crimina pixide soluit
Non secus è Lechicis fugitabant Crimina terris.
Degenerabat enim tetri securā tumultus
Pulchrior hinc, & tanta breui diuortia spectans
Erubuit : sese mirata Polonia : forte
Ipsa suas non cognoscens mutata phalanges.
Qui modo fœdam hyemē, tristemq; per arua rigorē
Elongatus agit Titan. prælusit apricis
Iam propior Lechicis Ver eluctabile campis,
Post ubi se penitus circumspicit, æmula grates
Prima Iagellonico, quod munere pulchrior irer
Exclamat: Cernisné tuas Dux optime laudes!
Vnde mihi hæc ? Flore fortunatissime Regum
Viue, vige, nostros dignate iuuare penates.
Non si gemmiferum, mihi transportaueris Hebrum
Non si ripa Tagi, vel me Pactolus inundet
Aurifer, haud tantum valeam his ditescere donis
Quam dum sit complexa sinûs Academia nostros.
Gratior interea Lechicum dominatur in orbem
Virtus, iam sua signa sequi, iam Castra Polonis

Explicat, imperium in terras Academia suaue
Docta tenet, iam per multas eodemq; tenore
Vixit Olympiadas, non illi Gallica præfert
Se schola, non aliæ quascunq; impensa nutriuit
Ausonia, in medio Lechię doctissima haberi
Promeruit. Proh quanta tenes monumenta Polone
Vnica quam peperit, vobis Academia famam?

Ipsa triumphatos cernens prægressa Triones
Gloria vbi Hesperios plausu peruaferat agros.
Facta Patrum, monumenta Virum, studiumq; fidele
(Infandum) narrando; ciet dulcedine laudum
Inuidiam. Hanc alibi infensam melioribus, vltor
Liuor progenuit, dum Nox pullata volaret.
Mille oculosq; dedit natæ atq; illudia Momi.
Sæuissæ illa ferox sed nil profecerat, imo
Inuidiam sese monstrauit, & inclyta Virtus
Promeritum fatale ferens hanc strage peremit.
Tu nunc, quid taceam? qui Iagellonis auitum
Nomen & omen habes Tu VLADISLAE ferocem
Inuidiam pressisti, & faustâ compede victam
Ne quid, inulta gemens, frustra moritura, patraret
Aeternâ tenebris squalere in nocte dedisti:

Quod Tibi post famam nomenq; perenne parabit.

Fortior inuidiâ tum mox Academia surgit
Pulchra comas, florens hederis, & baccare, plena

Perpetuam sese properat præstare perenni
Progenie, successurâq; in sæcula stirpe,
Lechica, tum tradens, proprię Respublica, curæ
Hoc Fortunatum Regni & generale Lycæum;
Præstiterat, quantum poterat. Dij plurima genti
Retribuant, Lechiamq; perennem hoc omine firmet.

Discite maiorum vestrorum facta Poloni!
Regnorum molem, maiestatemq; potentum
Non dubiè veneranda parens Academia fulcit:
Hinc Lechicę gentes primâq; ab origine Reges
Hanc IAGELLO tuam vero de semine natam
Ornabant Matrem fundamentumq; putabant
Corruere illa nequit magnâ Regni absq; ruinâ.

Sic ubi Doctorum promotio facta fuisset
Cancellarius, hic, studij Regniq; Supremus.
Arte probare Viros, rigidoq; examine mentes
Debuit explorare: sibi hanc Respublica curam
Credidit, ut dignam Regno producere stirpem
Doctoresq; creare suo, de more valeret.
Sic pietas! sic prisca Fides, sic inclyta virtus
Suasit, & ingenui patiens Fortuna laboris!
Sicq; biennalis, per multa volumina longi
Temporis ordo fuit. sic alternando duorum,
Annorum doctos felix Academe Magistros
Mittere debebas Lechiæq; hoc ferre Tributum

Vectigalis eras, hæc vectigalia soluens;
Hem quantum auctus ijs est vectigalibus Orbis!
Nunc quoq; redde tuas Doctorum rite Phalanges
Successisse opus est. alij dum morte recedunt,
Flebilis hic nobis, nigro & carbone notandus,
Annus ijt; Parnassum hunc Mors spoliavit honore
Scis bene quos morte amisisti Lechia ciues!
Et meminisse potes. Iam nunc Academe labanti
Consule, fata sinunt: tantas supplendo ruinas.

Finis eram: ulterius sic Pallas ab ore profatur:
Tu nunc ZADÍCIÆ nãuis Nauarche IACOB E.
Tu Cracijs positus dignissime Præsul in oris.
Munus vtrumq; tenes: Custos totius ouilis,
Tu templisq; scholisq; modus, columeq; Lycæi.
Eia age Magne Pater, benedicto atq; auspice Voto
Prospiciens summo, nunc fortunatus Olympo
Annue: nostrorumq; iuues Matrisq; labores.
Vberibus quondam proprijs Te Academia natum
Lactauit, Patrem nunc Patronumq; salutat:
Tu Venerande Pater Matri gratare benignę
Atq; rates eius ad faustum dirige portum.
Et vos ô Capitolini præclara Vauelli
Progenies Vobis Capitolii immobile saxum
Incubuit; vos rite tenetis Sceptra Coronasq;,
Vtraq; Regales, inter decorata, maniplos

Vernent Regali seruantia lege tenorem
Et pulchro facite vt vireant per sæcula nexu.

Ad te iam Magni properabo vicarie Phæbi
PVDſOWSKI Tantę PROCANCELLARIE Matris,
Dicamnē an fileam? penitus defixa sub vno
Obtutu mens hæret, & istis laudibus impar
Incipiat, stupeatne? stupentem amor obruit ingens
Sola tuas Erato laudes celebrare cupiuit
Vranieq; Tuum cælis inscribere nomen;
Impar, sed vinci ingenio maiore fatetur.
O Decus ô nostri cætus laus, en erit vnquam
Illa dies, quando valeam tua dicere facta!
Iamq; Academię debes assumere fasces
Ipsa tuam deposcit opem, Tu consule si quos
Ex Helicōne rapit, mors improuisa strategos.
Suffice Maternis respondens consule votis
Palladiosq; Academię proferto nepotes.
Iam Tibi, castra suis passim legionibus ibunt
Castalię insurgent acies: iam quidquid vbiq;
Græcia deprompsit sacris oracula Delphis!
Vel quod in Hesperijs adytis Sapientia lusit
Per te Academię, pleno fert Copia cornu.
Cum noua progenies Matri succrescit auitę
Natiuos Lechię referas ex ordine flores
Vernantemq; nouo, tuearis odore parentem.

Et vos ò Zephyri doctissima pectora nostri.
Aspirate nouis faciles florentibus ausis.
Verum Ver Lechicis præstantes, floribus aruis
Quis MAZVRKOVIVM medicis doctissimum in herbis
Quis CYNERSCIADEM Suadæ torrente fluentem.
Quis SPERONOVICIVM Sophico sudare labore
Nō videt? irriguus Academi vt floreat hortus?
Parnassusq; nouo, florens recretur odore?
Hunc vestrū numerū haud miro sine numine cerno.
Quisq; Triumuir hic est, Vestrum quemcunq; videbo
Vnicus ecce trium sibi vendicāt ipse laborem.
Annuite ò Proceres nostram & firmate Cateruam;
Quo vultis, fluimus, vestigia vestra sequentes.
Pectoris, at docti Ver, vos nostrum ore fouete.

Hic iam Pallas ouās (quoniam se cura studentūm)
Concernebat,) ait, Iagellonicae Phalanges
Lechia vis! num nostra tuas spes lingua fefellit?
Progredere ò soboles, teq; ad clarissima defer
Culina, Lechiaco lustranda Trione propago:
Ito biennalis studij, persolue tributum
Et patriæ gratare tuæ, te Pallas adoptat.
Ilegio I soboles Heliconis, & ordine perge
Pro virtute, potens acies pugnare Minerue.
Tu prior ante omnes quem gloria plena tuorum
Ornauit NAYMANOVIC assume decore

Mentis opes: Formosa tibi monumenta tuorum
Prælucent, virtute magis quam nomine nixus
Magnanimus, sollers, constantem dilige famam
Sic Patris & Patruī nomen celebrabis adultum.
Insequitur G O S K I quem certa modestia fingit
Sedulitasq̃, pio sublimis munere laudat
Antiquiūc Patrum mores pectusq̃; redundans
Ingenij gazis, & prodiga Musa laboris:
Perfer & obdura feret hæc tibi fama leuamen.
Te vero G E M B E C K I quēis cumulemuē notemuē
Laudibus? ô sublimis idonee semper honoris
Nunc quoq; cōsequeris; Te prouida, rite magistrum,
Virtus magnorum & studiorum fecit Atlantem.
At tu sedatis L O W I C K I assuete Camænis
Quadrato constans studio stadioq̃; recurris:
Gerne bona auspicia, humanis|nunc altior ibis
Ter magis ascendens Clarij conuexa Senatūs.
Approperas, fateor, L E P I E C K I rite sequendo;
Fruge Cleanthea vigilē redolesq̃; Lucernam:
Magnis magna fauent, veterū monumēta Sophorū
Pectore condunturq̃; tuo, studiumq̃; fidele.
Pallas Socratico vult te tractare capistro
Fortis vt æternos studio salueris in annos.
Te G A R N V C H O W S K I Scep̃tris ego digner auitis
Emeritum: ingenuo, cui mens inūst̃it honori

Peruigilesq; iubet studio traducere noëtes:
Euge laboratum Phæbus tibi mittit honorem.
Fructus honos oneris: tibi onus fit fructus honoris.
Nunc WESSOLOWSKI propior procede secundis
Alitibus, quamuis exotica regna videres
Hesperie Ausonie magnisq; aspectus Iberis;
Te tamen hic natua soli dulcedo reduxit
Ut patrios animo forti tuearis honores
Cresce Iò & quem hoc ore refers imitere Patronum.
RICHWALSKI insequitur, solido vestigia passu.
Cælestes aditure plagas, quisquamné secundus
Sedulitate tuas posset conquirere laudes?
Ingenuo egregius Musis reuirescis honesto
Marte togâq; places vtriusq; affecla supremus
Quid rear? ô certe Pallas te fortis adoptat.
Claude nouennales Musarum claude choreas
Floreq; tu succresce prior IARZYNA priusquam
Ver violas producat agris: en rite videbis
Ut quæ Chloris, hyemisq; suis conclusit in antris
Gramina, nunc viridi surgentia vere resurgunt
Et tu consimilis Zephyris spirantibus exi.
Egredere ORŁOWSKI cælestia tecta tuere.
Non cuiuis dabitur tantos transmittere montes
Tu felix Aquilæ proles tranare memento.
TŁYSZCZEWSKI properas habita succrescere famâ

Lauriger æternùm feriens cùm Pallade sædus
Appropera felix quis obex his ausibus obftet?
Festinando tamen veteris reminiscere Lentè.
H V N K I E V I sollers animo, doctusq; referre
Diuitibus quid doctrina & quid proſit egenis!
Nimirum Ars inopi eſt aurum ſed gemma potenti.
Hoc natura parens tibi Recti præſtitit olim
Iudicium, vt doceas quæ recta futura videres
Gaude: corporeo nam animus tibi præſtat honori.
Quid nunc I A D R O V I vero decoratus honore
Aſpice quam prædulcis honor, Virtute paratus
Omnis honor veluti de cortice nucleus exit:
Dum latet ille, parū eſt, ſed vbi apparebit, opimū eſt.
Nec tu Pannonicis præluſis honoribus olim
Sed Cracijs W E G R Z Y N O V I productus in oris
Ludis honore pari Cracie tibi abunde Camæne
Applaudunt, & tu plaudas, tibi plauſus honos eſt
Sic in honore pari, paribus laudabere votis
Nūc agito G O S T O M I O W S K I quid cætera proſunt?
Cum labor ipſe tibi multas conceſſerit artes;
Ipſa labore venit Virtus; venit ipſe labore
Verus Honor: ſic Fabriciō dum finderet arua
Sceptra labor genuit, ſucceſſit adorea triplex,
Regna labor ſtabilit: Gaude: te namq; laborem
Pierides docuere ſuis Heliconis in hortis

Spargite Pierides vatem: proferte ligustra
Ferte rofas, noceat ne vati lingua futuro.
Gratior accedis Matri gratare laborem
STALICKI: nemorosa videto noualia Craci
Hæc labor excoluit: Felix! Adamantis ad instar
Ipse labor certans non ferrea pectora franget.
Quod tibi LARCZYNSKI munus pro laudibus istis
Quem tibi maiorem Pallas genuisset honorem?
Indolis egregiæ Vires, non inuida certe
Melpomene Hesperijs similem prospexit in oris.
Eia tuo felix generoso pectore gaude
Quo te fata vocant, & quo Deus ipse sequare.
WIESIEVI facilem Te pulchra modestia præfert.
Temporis illa tibi sedata apparuit ætas,
Est numerus tempus, numeri numeramur Olympo
Tuq; prior rutili cursus numerabis Olympi
Quando Mathematicis celebris laudaberis oris.
A te MIROWSKI, ars armamentaria regnis
Vtiliora facit, certum est, nec falleris; orbi
Imò tuam suppose fidem, nam vera doceres.
Pro tantis meritis te olim mirabitur orbis.
KVN OVI facilis doctusq; polire iuuentem
Ingenium: quid enim non olim sponte politos
Esse Viros, quos nunc iuuenes, spectabis adultos?
Naturæ constans, sic fert vsusq; modusq;

E minimâ magnos producit origine fatus.
Euge M O G I L N I C K I venientem suscipe laurum.
Prodromus, ille tibi cûi tu quoq; prodit abunde;
Sanguine qui Cracias proprio lustrauerat oras:
Ille Patronus honore beat te: suspice cælum
Aduentare vide; tibi iam diuina recludit
Præmia Pierio quem tu sermone probasti

Nunc agite ò celeres numerumq; replete nouenē
Vos olim primum simul accepistis honorem
Et simul vnanimis certatis honore secundo:
Ipsa tibi generosa cohors, Pymplæa propago
Ipse nouenalis, moderator Apollo Senatûs
Pandit iter, vos & dignatur honore secundo.
ite, nouennalis Musis dilecta cæterua.
Perge prior M V L I N O W I C Z sociaſq; Phalanges
Anteueni, tardos obices Phæbea resoluit
Dextera, quin implet magnis iam laudibus astra:
Tu per Olympiacas fluicare intende coronas.
Nonne tuę K O N O P N I C A vides quam fauit ab alto
Magna parens natura, spei, namq; ausibus istis
Finxit consimilem; magnos acquiris honores
Non impar, videas quo te fortuna recessu
Esse velit, quem vult natura fouere strategum.
Tertius aggrediare tuam generose cohortem
K O M O R O V I, si forte velis Ciceronis alumnus

Esse potes. placito sollers incumbere labori.

STRYIEWICZ solido natus vernare decoro
Qua Parnasse tuus consurgit, in Astra biuertex
Accelerat non ille animus, terrena fatigat
Quidquid humum sapiat, fatali sorte perosus
Calcat humum, solis animum cælestibus addens.

Digna legi Virtus! superis mens gestit opima.
Altior ire polis rutilasq; ascendere sedes:

O superi faueant faciles, his ausibus omnes.

Insequeris KASPROWIC cum qui proximus anteit

Copia mentis adest: natura æqualis honori

Egregius, superest, animum nunc laudibus ornes.

Quis te autem tacitâ ZIEMKIEVI sorte relinquat?

Hic locus est, quo se doctrina, modestia certant

Condere, quo magne, prorumpent, pectore dotes.

Cum Phrygias olim Pallas iecisset in oras

Sponte chelym, raperentq; Deæ, diuina, fauentis

Munera, tericole, fatis melioribus vsus

Arripis ipse chelyn. qua vel Tritona canentem

Extuperes, placitaq; suis Acheloides vndis:

Laudibus his erit orbis iter! iam Carpathus oris

Orphea, miratur, proprijs; si ex ordine cedit

Vnus, tu accurre numerum referendo duorum.

Nec te præteream comes ò iucunde tuorum.

SZYMOV, cum sponte nouas nascaris in auras

Exultas ! hilarem læti genuère parentes.
Alternis sic ire choris gemitusq; iocosq;
Ire placet : lætos, sibi lætus legit Apollo.
Lætitiæ gratare tuæ, non tu optime cures
Esse quod Arcesilas ærumnosq; Solones.
Quid modo P O D C H E L S K I, tãto redimit⁹ honore
Dum fueris, non vlla tuam perfringere mentem
Tesqua, laborq; ferox valeant. procede secundo
Numine namq; onerosi confectactor honoris
Pulchrior æthereis sic conspicière sub oris
Ł O P A C K I ver suaue sapit lucemq; phanetis
Diligit : haud oculos eius terrebit obliqua
Segnites, properat quo publica gloria suadet.
Macte animo, & genio solidum conscende cacumē
Flos Hiacynthe tui, dimitte laboris odorem.
Ponē sequens celeri tendit vestigia passu
G O R L I C K I, calcar victoria parta ministrat
Victori superest, habita modo sorte triumphes.
Circenses plausus niueasq; merère Coronas.
Nonne tuum Ł O D Ż I K iustissima Musa Phaselum
In portu laudis magniq; fouebit honoris ?
Ille phaselus erit rapidisq; celerrimus Euris
Et toto volitans famā celeberrimus orbe !
Nec modo habet, quo nostra beet te, laudibus impar

Calliopæa tuis, tu vela expande modernis
Auspicijs, Zephyros spirabunt Astra frequentes
Et si terra neget, cælestia tecta fauebunt.
Approperas animose C R O M E R studioq; fideli
In stadio decurris iter: si forte tenellis
Dissuadere viam pedibus, Parnassia rupes
Posset, & incepto dimittere frena labori,
Tu tamen hinc audentior, assurgisq; venisq;
O præstans animi iuuenis! properato fidelis
Et Cracias memori sub pectore conde Camænas
Nūc age, nunc patrias KOLDRAZ in munera laudes
Lechiacis intende plagis, exempla supersunt
Quæ capias: præit ipsa tibi, comitare vocantem
Philosophia viam, quâ tu immortalis haberi
Rite potes, Sapientū illinc primordia surgunt,
Consequere; æternis tantum est Sapientia in oris.
R A D L I C Z ingenuo nimium dilecte labori
Pone subis, labor ipse tibi haud infidus Achates:
Hoc duce vel Lethes superare audebis aceruos.
Omnia vincit enim labor improbus aspicé pridē hoc
Ipse Maro Formose tibi prædixit Alexi.
Quid modo Diuitiæ! quarum contemptor haberi
Vis K O W A L O W S K I, certe tibi tutius olim
(Diues enim, qui nil cupit, est sed pectore Diues)

Pandett

Pandet iter doctrina sequens quâ prendere famam
Scandere, quâ poteris sublime cacumen honoris.
Claudere nec pigeat Phæbi agmina tanta BADOWSKI
Primus es: hoc doctæ cecinerunt atria turbæ
Cum præcedenti concordat origine finis:
Finis & ipse bonum est, primo natura labore
Intendit finem, Finisq; laborat amore
Ergo age natiuos primus tuearis honores
Iam duodequadragenis scribare cateruis.

Finierat Pallas, lustrauitq; agmina, fastis
Inscribens procerum, quos dat præsentibus annis
Instructas acies: Primo progressus Eoo
Phæbus ubi Lechicis rutilantia lumina Campis
Vidit, & arrisit, dixitque: ô Lechia! quantos
Ista propago tuo præstabit cardine soles!
Hoc erat in fatis! hoc prata Polona petebant!
Laurigeris uireant ut compita visa coronis
Non Ariadnæis tantum florescet in omni
Posteritate, polus titulis; habet inclyta palmam,
Sciuerit ingenuum pensare Polonia nomen.

Ergo age Sarmaticas dimitte è corde fauillas
Vernantes iterum atq; iterum per sæcula campos
Conspicies, & Carpathio de vertice, Phæbus
Non procul à Cracijs quâ Vandale præfluis oris

Promptior Oceāni egressus de gurgite surget.
Æterno Lechiam vernantem vere fouebit.
Cresce renascenti fœcunda Polonia campo
Dux & Hyperboreo soleris Apolline terras
Hanc Gradiue Pater Pallasq; tuere perennem:
Flore Sarmaticos exuta Polonia nœnus,
In Cracijs, cras dulcè tuos spectabis alumnos.





Florentissimæ Matri
Almæ Vniuersitati Cracouiensi

Sub vernum tempus
Anni D. 1642. efflorescenti, nomine

vv. *Triginta octo Secundæ Laureæ Candidatorum.*
perpetuæ pietatis ac Venerationis ergo.

GRATITVDO.

Ivunda Mater! Porge licentiam,
Orbis videndi: quid iuuat indolem,

Longæuo sepelire
Circum claustra silentio?

Luces sereno clarior Hespero
Per vsq; vasti culta Borysthenis
Tu es quam Tracius Orpheus
Cum per saxa repentia

Aurita mundo Sauromatas beat,
Figurat olim, Tu rudibus prope
Expunxisse Colonis
Mentes diceris efferas
Moresq; & alto, culmine, cæliûm
Virtutis addis munera. Socrates
Cælo haud pulchrius vnquam.
Deduxit sapientiam.
Regina mundi Lechiaci parens;
Effulgorantûm gloria fiderum.
Ex tremo axe coruscas.
Primo munere pulchrior.
Non vsitatum, fraude Promethea
Tu multuantis regna Proteruiæ
Acceptas generosa,
Sed maiore potens Deo
Pyrrhæa terræ sæcula Lechicæ
Excludis olim, iacta iacent retrò
Viuentem referendo
Terræ saxa animam gradu.
Stupebat olim tota Deûm cohors
Quando sopito soluis ab otio
Montes degeneresq;
Cautes attonitas trahis

Fæcunda Nater, non sine syderum
Plausu, stupore, & non sine nubium
Vilem sedula terram
Mutas in pretium poli.
Et si vel vnquam perfida Lechicis
Fortuna struxit bella penatibus
Tum tu Marte togaq;
Conso pectora parturis
Non vafra mundum turba dolis premat:
Non perduellis seditio fremat
Est quæ proterat ictus
Æternis vigil artibus!
Quid sulfuratis, ignibus, inuide?
Cuniculosis Liur hiatibus.
Et si quid magis olim
Expromis rigidum nefas.
Quid Liur audax subruis hanc tuam.
Regniq, Matrem pro dolor si impium!
Inflas buccina murmur,
Hostis ciuibus imperl
Tentare fortunam satius foret
Nusquam bifrontem si quæ licet accipit:
Statim oblita nocendi
Vertit præcipitem rotam.

Fortesq; rursus progenerat parens
Pugnæ Strategos: O Academia
Regni prouida Mater
Fatis consona Lechicis!
Tibi Supremi culminis arbiter
Sceptraq; promit consilium tuis
A te crux inimicos
Flexu sceptrigero fugat.
Corona regni sceptrata tenet sua,
Regni Coronam sceptrata tenent pia
Vt stent vtraq;, iungi
Præstat: si dirimas, cadent!
Sed nunc serenis pulchrior ignibus
Exporge frontem: Te soboles Lechi
Æternum fore stirpi
Matrem Lechiacæ dedit.
Inuicta Mater! Cælitibus sacras
Lauros perenna Fulmina non timet:
Hæc Laurus, cariemq;
Surdis despicit auribus
Virere tantis auspicijs licet.
Æterna mundo Viuere sæcula;
Iò cresce, triumphat
Hic det finis originem.

D. O. M.

Æterni Patris æquali Filio

VERBO PERSONALI

Per incarnationem abbreviato.

Temporum omnium Sapientiæ Architectatrici:

ÆTERNITATIS VER.

Augustissimæ cæli & terrarum Reginæ

Magni Magnæ DEJ Matri

Et studij Academici Patronæ

VIRGINI MARIÆ

Ex Helicone Iagelloniano decerptorum
florum.

CORONAM.

Diuæ inter Diuas õnes felicissimæ

Cælestis Sanctuarij thesauro

DIVÆ ANNÆ

Profapiæ TERNIONI ineffabili.

Perpetuum odorem.

Beatorum Phænici cælestis Paradisi

Candido & illibato Lilio,

STVDII ACACEMICI PATRIARCHÆ.

G

Diuo

DIVO IOANNI CANTIO

Studium fidele & pro Virili imitationem: Secundæ

Laureæ Candidati, deuoto è pectore conce-

ptum secundis Veris auspiciis offe-

runt

V O T V M.

Æterne præses, Conditor mundi Deus:

Imago patris, par patri

Proles, perenni prodiens è pectore;

Seruator Orbis maxime.

Et tu parentum Maxima Deipara: sinu

Gestans Deum Virgo MARIA.

Tum tu Tonantis auia: Felici Parens

Virgine celebris: vno & ferax

Partu; salutis perditæ genitrix noua

Horumq; CANTI Seruule.

Respicite: quæ nunc postulant fusâ prece:

Ex intimis præcordijs

Vestri Clientes Veris huius Candidi.

Pæstana, Flores Lilia.

Vobis perennis semper adsit gloria:

Per sæculorum sæcula,

Quà stelluaga oberrat Planetarum cohors:


Cælestis aulæ Nunciij:
Et quæ Lycaoniæ, choreas, stirps domus
Cynosura gyrat debitas,
Si quod Polorum, transilit, fugiens iugum
Inane imaginarium
Hæc cuncta flexis poplitibus; in gloriam,
Vobis beata numina!
Et quæ rotati subiacet mundi Chaos
Moles rudis terræ trucid.
Ignisq; aquæue & aeris statio volans.
Quidquid diurnus Sol videt
Seu insularum turba cælat; seu Thetys
Aperta pandit viscera
Vobis sacrata ferimus ore debito
Et deuouemus omnia.
Auditis orbis vniuersi climata!
Semper Deo Vernabitis.
Vos Vota cæli accipite: quandoquidem magis
Inops voluntas quod daret
Non habet: ea litabit ferens in Victimam,
Quod iure vestro traditis:
Hæc dona vestra: studia, pietatem, & boni
Si quid tenemus amplius
Hæc desuper sunt missa terrestri globo

Rufusq; pia mens attulit.
 Aspicite cæli! nostraq; precum munera
 Muneribus augete alteris:
 Precamur homines; Vestra semper gloria
 Sit per spatia terræ omnia;
 Et si videtur: (Socratis ferimus preces:)
 Vera tribuite nobis BONA.

Ver Sceptris efflorescit.

S. istite rignos Sceptra regressu S
 Quid capitibus his inuicem abut I s?
 Si no N sit caput omnia res T ant
 In vanu M: aliud frustra I ungitur
 Vertice s Vublato: at bene B elliger
 Pugnāt ua L idu iunct V s viribus:
 Ergo re t-r- O grados S istite gressus.
 Fallor: nam stabil E s, s C eptra recessus
 Bene consti T uunt: Aspice flexum
 Crucu ptil I ter signa R edemptor
 Academi Q a sub signa re T orserat
 Cre de S? stabilis namq; P olonia.
 Cer n E s columnen cul m E nq; pium.
 E R go columnas dando Le C hie:

CRESCITE SVBITIS, SCEPTRA COLVMNIS.



Epicitharisma ad Authorem.

CHRISTOPHORI ZIOMKOWICZ,

Secundæ Laureæ Candidati.

Vere nouo reuirescit humus, reuirescit Olympus:

Vere nouo RACKI, sunt ea cuncta, tuo.

Chloris in herbosis reparat Viridaria campis

In Lechicis, flores, tu modulâre, plagis.

Ver habet, humano natos de corpore Flores:

At pingit flores, ver quoque rite tuum.

Certat ad Eurotam Phæbus generans Hyacinthum.

(Quis credat? fluiuis, flore redemptus homo est?)

Tu quoq; Vandaleo prodix de gurgite: Gaude

Quis scit! an hic Phæbo, non Hyacinthus eris!

SEBASTIANI STRYIEWICZ,

Secundæ Laureæ Candidati, ad eundem.

Punica mala Sophis quondâ Tymbræus Apollo

Socraticis manibus dona, ferenda dedit.

Certauit generosa Cohors, in munere tanto;

Ipseq; qui misit munus, Apollo tulit.

Tu quoq; misisti Vernantia munera nobis.

An postquam mittas ipse nihil capias?

Non patiar danti non reddere munera posse:

En qui misisti carmina, carmen habe.

Æ N I G M A.

Dicite, quandoquidem in vernâ prolusimus herba
 Seu quis Tyresias seu quis Etruscus erit.
 Sol me progenuit genitor: post æmulus eius,
 Fretus Sole poli, sydera gigno Soli.
 Credere nec pigeat: sum solis filius: at sic
 Ut velit ipse, nequit, me generare Phanes.
 Ut generet, prius ipse adiungere Castora debet
 Tum quoq; me, geminis, vix generare potest.
 Sæpe meâ viduum decoravit origine Phryxum
 Hellesponte tuas qui superbat aquas.
 Tumq; ego vix nasci incipio: & non nascor ut olim
 Occidat vetulum me Libythina senem
 Vivam ego: iam neq; ego: immutor: sed ut ales Eois
 Morte suâ vivens qui venit vsq; plagis
 Cum redeo: Pæan Philomela occentat eunti.
 Latior & reducem voce salutat Itys.
 Hospitium quæris? spatiosa Borysthenis ora
 Nunc domus est: literis contineor q; tribus.
 Me quicumq; voles cognoscere: vera loquare
 Verum ego sum: falsas non bene nosco notas.



Deo Ter Optimo Maximo &
Beatissimæ Virgini MARIÆ
honor & gloria pe-
rennis.

BIBLIOTHECA



JAGELLONICA

XXIV, V. 3



Biblioteka Jagiellońska

stdr0019903

